



**DOCUMENTO DE FORMALIZACIÓN DUN CONVENIO ENTRE A XUNTA DE GALICIA, A TRAVÉS DA CONSELLERÍA DO MAR, E A CONFRARÍA DE PESCADORES DE MIÑO, MEDIANTE O QUE SE CANALIZA UNHA SUBVENCIÓN DE CONCESIÓN DIRECTA PARA A REALIZACIÓN DA REFORMA E O ACONDICIONAMENTO DO PUNTO DE CONTROL E VENDA, E OS ASEOS QUE A CONFRARÍA TEN NO PEDRIDO, DURANTE O ANO 2021**

En Santiago de Compostela, 23 de xuño de 2021

**REUNIDOS**

**DUNHA PARTE:** D<sup>a</sup>. Susana Rodríguez Carballo (DNI R), en calidade de Directora Xeral de Desenvolvemento Pesqueiro (NIF S1511001H), nomeada por Decreto 242/2009, do 23 de abril (DOG núm. 79 do 24.04.2009), en virtude das facultades conferidas polo artigo 2.1 Cuarto da Orde do 8 de setembro de 2017 de delegación de competencias na Secretaría Xeral Técnica da Consellería do Mar, nas direccións xerais e xefaturas territoriais e na Presidencia do Consello de Administración do ente público Portos de Galicia.

**DOUTRA PARTE:** D. (DNI Q), como Patrón Maior da Confraría de Pescadores de Miño, e en representación da mesma (NIF G15035306), conforme as facultades recollidas nos seus estatutos e do acordo adoptado pola Xunta Xeral na súa sesión do 5 de abril de 2021.

Ambas partes, respectivamente, recoñécense capacidade e competencia para formalizar o presente convenio, séndolle de aplicación a Lei 9/2007, do 13 de xuño, de subvencións de Galicia (en diante, LSG), o Regulamento da Lei 9/2007, do 13 de xuño, de subvencións de Galicia, aprobado por Decreto 11/2009, do 8 de xaneiro (en diante, RSG), e demais normas que se detallan no clausurado do mesmo.

**ANTECEDENTES ADMINISTRATIVOS**

**PRIMEIRO.-** Na Lei 3/2021, do 28 de xaneiro, de orzamentos xerais da Comunidade Autónoma de Galicia para o ano 2021, figura unha subvención de concesión directa a favor da Confraría de Pescadores de Miño, por un importe de 17.618,00 euros na partida orzamentaria 15.03.514A.781.2 (proxecto 2016 00257), existindo crédito axeitado e suficiente para atender as obrigas que derivan da subvención.

**SEGUNDO.-** A Consellería do Mar, ao abeiro do disposto no artigo 37.2 do RSG, acordou o inicio da tramitación deste convenio con data 6 de maio de 2021.

**TERCEIRO.-** A Dirección Xeral de Planificación e Orzamentos, con data do 20 de maio de 2021, informou o seguinte:

- Estímase que é coherente co Plan estratéxico de Galicia .
- Cumpre as normas relativas á acumulación das axudas.
- Estímase que a subvención a conceder non constitúe unha axuda de Estado ao amparo do artigo 107.1 do Tratado de Funcionamento da Unión Europea (versión consolidada DOUE C 202/47 do 7.6.2016) e polo tanto non lle é de aplicación o disposto nos artigos 108 e seguintes.



**CUARTO.-** A Asesoría Xurídica da Consellería do Mar, con data do 28 de maio de 2021, informou favorablemente o presente convenio.

**QUINTO.-** A Consellería do Mar, con data do 9 de xuño 2021, aprobou a autorización do gasto a favor de Confraría de Pescadores de Miño, por un importe de 17.618,00 euros na partida orzamentaria 15.03.514A.781.2 (proxecto 2016 000257).

**SEXTO.-** A Intervención Delegada da Consellería do Mar, con data do 9 de xuño 2021, contabilizou o documento contable A.

## CLÁUSULAS

### PRIMEIRA.- OBXECTO E ACTUACIÓNS

O obxecto do presente convenio é canalizar a subvención prevista nominativamente na Lei 3/2021, do 28 de xaneiro, de orzamentos xerais da Comunidade Autónoma de Galicia para o ano 2021, a favor da Confraría de Pescadores de Miño, co fin de financiar as actuacións previstas ata o 30 de novembro de 2021 consistentes na reforma e acondicionamento do punto de control e venda, e dos aseos que a confraría ten no Pedrido.

As actuacións que se financian no 2021 e para as cales a confraría debe contar coas autorizacións, permisos ou licencias para levalas a cabo, son entre outras as seguintes:

Reforma da caseta do Pedrido:

- Acondicionamento do lousado e teito.
- Repasar as roturas do chan e paredes, e pintar as paredes con pintura plástica e o chan con pintura plástica antideslizante.
- Lávmas en aceiro inoxidable con pedal e grifo para a limpeza.
- Na zona de aseos (un aseo de homes e un aseo de mulleres) poñer as pezas propias dun baño, tales como water, lavamáns, chave nas duchas, un termo eléctrico para a auga quente, traballos de electricidade, reparación e reposición de porta e ventás.
- Fosa séptica.
- Taxa de solicitude do permiso a Consellería de Medio Ambiente, Territorio e Vivenda.

Equipamento para mellorar as condicións hixiénico-sanitarios:

- Mesa completa para a selección e control do marisco.
- Frigorífico con conxelador.
- Hidrolavadora.
- Capachos

### SEGUNDA.- OBRIGAS E COMPROMISOS ECONÓMICOS

A Consellería do Mar subvencionará as obrigas que se deriven das actuacións do presente convenio ata un importe máximo de 17.618,00 euros na partida orzamentaria 15.03.514A.781.2 (proxecto 2016 00257) con cargo ao exercicio orzamentario de 2021.

A Confraría de Pescadores de Miño asume as obrigas recollidas para os beneficiarios das subvencións no artigo 11 da Lei de Subvencións de Galicia (LSG), así como as seguintes:

- Dedicar integramente o importe da subvención á realización das actividades sinaladas na cláusula primeira.
- Realizar o seguimento das accións anteriormente descritas.
- Pór en coñecemento da consellería calquera incidencia que afecte á realización ou desenvolvemento posterior das actuacións efectuadas, proporcionando toda canta información lle sexa requirida.



- Dar cumprimento ao disposto no artigo 27 da LSG, relativo á subcontratación das actividades subvencionadas polos beneficiarios. A estes efectos, non se establece un límite para subcontratar.
- Dar cumprimento ao disposto no artigo 29.3 da LSG, relativo á solicitude de tres ofertas, como mínimo, con carácter previo á contratación de compromisos con provedores, salvo que non exista no mercado suficiente número de entidades que as realicen, presten ou subministren.
- Prestar colaboración e facilitar toda a información que lle sexa requirida, no exercicio das súas funcións de fiscalización e control do destino das subvencións, pola Intervención Xeral da Comunidade Autónoma, polo Tribunal de Contas e polo Consello de Contas.
- Manifestar expresamente o consentimento a que os datos que obran en poder das administracións públicas, sexan consultados directamente pola Administración, de conformidade co disposto no parágrafo 2 do artigo 28 da Lei 39/2015, do 1 de outubro, do Procedemento Administrativo Común das Administracións Públicas, e nos artigos 20.3 da Lei de Subvencións de Galicia e 10.2 do seu Regulamento (RSG).
- Subministrar toda a información necesaria á Administración en virtude das obrigas previstas para as persoas xurídicas beneficiarias de subvencións, conforme co disposto na Lei 1/2016, do 18 de xaneiro, de transparencia e bo goberno, e na Lei 19/2013, do 9 de decembro, de transparencia, acceso á información pública e bo goberno.

#### **TERCEIRA.- RÉXIME DE COMPATIBILIDADE**

Será compatible a percepción doutras subvencións, axudas, ingresos ou recursos para a mesma finalidade que a do presente convenio, procedentes de calquera administración ou entes públicos ou privados, estatais, da Unión Europea ou de organismos internacionais.

O importe das subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custe das actividades subvencionadas.

#### **CUARTA.- GASTOS SUBVENCIONABLES**

Consideraranse gastos subvencionables aqueles que de xeito indubidable respondan á natureza da actividade subvencionada, e fosen realizados e pagados entre o 1 de xaneiro e o 30 de novembro de 2021.

Os tributos consideraranse gasto subvencionable cando a Confraría de Pescadores de Miño os abone efectivamente. En ningún caso, se considerarán gastos subvencionables os impostos indirectos cando sexan susceptibles de recuperación ou compensación nin os impostos persoais sobre a renda.

Non será imputable o IVE recuperable pola entidade.

Os custes indirectos formarán parte da xustificacións da subvención, se se imputan pola Confraría ás actividades subvencionadas, na medida en que tales custes correspondan ao período en que se realiza a actividade.

Os gastos subvencionables respectarán as regras contidas no artigo 29 da LSG.

#### **QUINTA.- PRAZOS E FORMA DE XUSTIFICACIÓN DA SUBVENCIÓN E APLICACIÓN DOS FONDOS**

O prazo límite para a xustificación dos gastos subvencionables será o 10 de decembro de 2021.

A xustificación do cumprimento das condicións impostas e da consecución dos obxectivos previstos, documentarase mediante a forma de conta xustificativa do gasto realizado, conforme co disposto no artigo 48 do RSG.

#### **SEXTA.- PRAZOS E MODOS DE PAGO DA SUBVENCIÓN**

O pago da subvención realizarase, previa xustificación polo beneficiario, da realización da actividade para a cal se concede, e pola contía da subvención efectivamente xustificada.



O órgano concedente realizará as comprobacións pertinentes e incluírá no expediente un certificado acreditativo da verificación realizada.

Establécese a posibilidade de realizar pagos a conta. Ditos pagos a conta poderán supor a realización de pagos fraccionados que responderán ao ritmo de execución das accións subvencionadas, abonándose por contía equivalente á xustificación presentada, coas limitacións previstas no artigo 62 do RSG, e de conformidade co disposto nos artigos 65.4 f) e 67 do RSG.

Non poderá realizarse o pago da subvención en tanto o beneficiario non se atope ao corrente no cumprimento das súas obrigas tributarias e fronte á Seguridade Social e non teña pendente de pago ningunha outra débeda coa Administración pública da Comunidade Autónoma ou sexa debedor por resolución de procedencia de reintegro.

#### **SÉTIMA.- REINTEGRO, INCUMPRIMENTO DAS OBRIGAS E COMPROMISOS**

Nos supostos previstos nos artigos 32 e 33 da LSG, procederá o reintegro das cantidades percibidas e a esixencia do interese de demora correspondente dende o momento do pago da subvención ata a data en que se acorde a procedencia do reintegro.

O procedemento de reintegro será o previsto no Capítulo II do Título II da LSG.

O incumprimento das obrigas e compromisos asumidos polo beneficiario, que sexan constitutivos de infraccións e sancións administrativas en materia de subvencións, tramitaranse conforme co disposto no Título IV da LSG.

Por outra banda, o incumprimento da obriga de subministrar información á Administración, dará lugar á aplicación do disposto no Título III da Lei 1/2016, do 18 de xaneiro, de transparencia e bo goberno.

#### **OITAVA.- RÉXIME XURÍDICO APLICABLE**

O presente convenio estará suxeito á LSG e ao RSG, e aos preceptos básicos contidos na Lei 38/2003, do 17 de novembro, Xeral de Subvencións, e no Regulamento da Lei 38/2003, do 17 de novembro, Xeral de Subvencións, aprobado por Real Decreto 887/2006, do 21 de xullo.

En relación coas obrigas de publicidade e transparencia, resultaranlle aplicables a Lei 1/2016, do 18 de xaneiro, de transparencia e bo goberno, e a Lei 19/2013, do 9 de decembro, de transparencia, acceso á información pública e bo goberno.

Subsidiariamente aplicaranse as restantes normas de dereito administrativo e, no seu defecto, as normas de dereito privado.

#### **NOVENA.- PUBLICIDADE DA SUBVENCIÓN CONCEDIDA**

O beneficiario deberá dar a axeitada publicidade do carácter público da financiación de programas, actividades, inversións ou actuacións de calquera tipo que sexan obxecto da subvención.

A publicidade consistirá na inclusión da imaxe institucional da Xunta de Galicia, regulada no Decreto 409/2009, do 5 de novembro, polo que se aproba o uso dos elementos básicos da identidade corporativa da Xunta de Galicia, así como lendas relativas á financiación pública en carteis, placas conmemorativas, materiais impresos, medios electrónicos ou audiovisuais, ou ben en mencións realizadas en medios de comunicación.

#### **DÉCIMA.- MECANISMOS DE SEGUIMENTO, VIXILANCIA E CONTROL**

O seguimento, vixilancia e control do establecido no presente convenio realizarase por unha comisión de seguimento formada por:

A Directora Xeral de Desenvolvemento Pesqueiro ou persoa en quen delegue, que será a Presidenta.



**XUNTA DE GALICIA**

**CONSELLERÍA DO MAR**

**Dirección Xeral de  
Desenvolvemento Pesqueiro**

Rúa dos Irmandiños s/n- Salgueiriños  
15781 Santiago de Compostela (A Coruña)  
Teléfono: 981 54 6142 - Fax: 981 54 61 38

**galicia**

O Xefe de Servizo de Desenvolvemento Pesqueiro, que será o Secretario.  
O Patrón Maior da Confraría de Pescadores de Miño ou persoa en que delegue  
O/A Secretario/a da Confraría de Pescadores de Miño.

Esta comisión será competente para resolver as controversias que poidan xurdir respecto da interpretación e cumprimento do convenio.

#### **UNDÉCIMA.- PRAZO DE VIXENCIA, PRÓRROGA E MODIFICACIÓNS**

O presente convenio estará vixente dende o día seguinte ao da súa sinatura e ata o 30 de novembro de 2021.

Non se prevé a posibilidade de prórroga ou modificación do convenio.

A Conselleira  
P.D. Orde do 08-09-2017 (DOG 21.09.2017)  
A Directora Xeral de Desenvolvemento Pesqueiro  
Susana Rodríguez Carballo

Patrón Maior da Confraría de Pescadores de Miño